

乾隆杭州府志

杭州府志卷二十八

寺觀 一 府城內

伽藍之記儒者或弗詳然因舊蹟訪殘碑亦考古者所取資也杭州寺觀相望田汝成謂唐已前有三百六十寺錢氏立國宋室南渡增至四百八十寺道院祠廟猶不與此數可謂多矣顧時見廢興其重建或非故址圖經存其舊名里俗稱其新構舛訛滋甚今證以舊聞摭實書之用存梗概仍不欲以幻跡視之也

積善海會寺 在吳山舊名石佛智果院吳越王錢氏建

宋大中祥符間改賜今額嘉泰間燬

咸淳志

元至正間重建

平章庫庫子山書大海會寺額御史大夫慶通書觀音寶

殿額

武林梵志

明成化間復燬踰年僧浩中重建

國朝康熙三十七年住持飯一復募新之雍正九年總督李衛

重修

浙江通志

寺据吳山東南岡每逢雨暘不時有司迎上天

竺大士於此祈禱十三年

御書寶月清光額乾隆三十二年又燬閱一年商人捐修巡撫熊

學鵬有碑紀事

清波類志

李衛重修海會寺碑記吳山海會寺面對大江後協重巒城中官舍廬井燦然如在履舄下固東南明秀區也寺建於吳越錢氏有國時名石佛智果院宋代賜名積善海會寺元至正中獨稱今名廢興者屢每當興復必拓舊觀而大之前後凡三進每進三楹天王諸菩薩皆具而正殿則虔奉大士像于中官斯土者遇水旱告愆必迎天竺大士

於斯積誠祈禱呼吸可通蓋靈氣所萃實式憑焉自宋至今千有餘年矣予奉

天子命總制是邦再開已逾吏民相浹時和年豐間或暘雨不若爲民請命無不立驗庚戌夏以旱禱故止息於寺搜覽碑碣知寺自

國朝康熙戊寅重建後歷有年所已百歲雖畧加修補而餘制猶未脩恐久而弗治行就傾圯乃飭所屬庀材鳩工凡梁柱之蠹朽者檟之撓損者甃瓦階級與牆垣門廡闌楯之頽壞者一新之佛像莊嚴諸天羅列金容寶相光耀雲表而又於殿庭之隅建廳事三楹以爲官吏齋宿之所閱兩月而訖工費取諸公不以贊土寸木徵應於下防累民也役既竣乃進屬吏而告之曰若知所以修建之故乎非爲奉象教尙虛無後禪林之闕麗已也蓋體

聖天子惠元元之至意必欲釋其疾苦予之安樂苟有利益于民者務設誠致敬使之陰相默佑以納于太平仁壽之域故明以誠感靈以誠應有必然無疑者是海會寺之崇大士與寒暑時日星雲水旱之祭有禮殊而誠合者矣今年春

天子撥動公帑三萬金詔修天竺大士之宮而予于奉

命舉行後復新海會寺蓋精廬雖異靈照則同既爲聖天子之所垂注意兆人之所瞻仰不尤當敬謹增飾以爲揭

虔妥靈地耶至歷朝興廢之詳見于明翰林修撰李公旻按察副使趙公寬暨

國朝少司寇陳公論碑文與載諸郡邑志乘者可考而知而余飭屬修建之費凡木石飄甍椽漆之屬與役夫之工具有

籍在故畧而不書

大中祥符律寺 在祥符橋嘉靖仁梁大同二年鮑侃捨

宅名發心院唐貞觀中易名衆善神龍元年改中興三年

復改龍興祥符寺紀畧宋大中祥符中賜今額內有鐵塔一石

塔四錢王所鑿九十九眼井成化舊志南渡初斥爲軍器所元

初仍建寺至正末燬明洪武初重建武林梵志

蘇軾祥符寺上元觀燈詩紗籠擎燭迎門入銀葉燒香見客邀金鼎轉丹光吐夜玉珠穿蟻闌連朝波翻焰裏元相

激魚舞湯中不長焦明日酒  
醒空想像清吟半逐夢魂飄

相國寺

在淳祐橋東北

萬歷錢塘縣志

南齊建唐時燬為鄭景

宅園唐景雲初僧慧購為寺值睿宗由相王即位賜名相

國元末燬明洪武初僧大雲重建正德八年僧東明重修

武林

梵志

靈芝崇福律寺

在東花園崇新巷俗稱蠟燭菴唐貞觀

已酉年郡人施光慶捨宅建名實際院宋佛印禪師重興

元季燬元統間僧妙通重建明洪武二十四年立為叢林

萬歷僧如曉重修

武林梵志

內有春牛局為本縣歲造芒神土

牛之所

錢塘縣志

劉基宿蠟燭菴後上人房詩城外春江動客愁江邊細草  
綠悠悠還將短髮臨岐路畏向東風憶舊遊斜日遠天歸  
雁急薄雲孤館落花稠青燈不放還家夢一夜腸迴一萬周

開元寺

在清平山麓

嘉靖浙江通志

唐開元間建白公與徐凝

訪牡丹于此宋建炎中徙建于西湖元末兵燹復建故址

武林梵志

有塵遠堂禪樂堂海印堂涵翠軒容月軒攬秀軒梅

月軒棲雲樓石髓泉并清平山謂之開元十景明尚書胡

潔有記

湖山便覽

徐凝開元寺牡丹詩此花南土知難種慙愧僧閒用意栽  
海燕解隣頻睨睨林蜂未識更徘徊虛生芍藥徒勞妬羞  
殺玫瑰不敢開惟有素苞紅萼在含芳只待舍人來  
大年禪樂堂詩禪居一味澹生涯入定清香出定茶靜掃  
日雲無客到不知簷蔔又開花攬秀軒詩山居習靜竹  
房閑時復焚香掃石臺潮落水平江面潤越山飛翠入簾

來棲雲樓詩禪心長共白雲閒澗影皆棲不出山高卧  
未知陵谷變任他飛去又飛還石髓泉詩分得雲根一  
派深年年長是沃禪心老來正  
有相如渴安得從師坐綠陰

慈雲寺在羊市巷東花園側唐相國李長源興元元年

開井建寺題名甘露周顯德二年僧圓覺建名慈濟宋大

中祥符二年公主清裕修光明懺感白鸚翔雲異瑞真宗

賜額慈雲南宋理宗書靈感道場以賜之慈雲寺志明洪武二

十四年僧延禮重修嘉靖二十年煥僧圓鼎重建武林梵志

姚廣孝慈雲寺序畧慈雲者境超諸刹名甲虎林殿接天  
光堂開雲氣觀左江而望右湖而南山而背北嶺香風時  
來天樂常作月色與宏鐘共朗潮音與法鼓齊鳴池養化  
龍之魚井沛甘露之液高梧棲鳳清篠鳴鸞蒼松勁栢爭  
陰紅日丹霞競彩秀生佳木香發野芳其于四季陰晴六  
時含吐千變萬狀詎可殫述吳用先遊慈雲寺詩水綠



山青列上方苔深竹暗野花香赤松亭下消餘暑惟有甘泉徹骨涼四圍秋色靄慈門百雉城頭遶白雲莫說蕭然無法侶幽禽危石共爲羣

明慶寺 在木子巷北唐大中二年建爲靈隱下院宋大

中祥符改今額內有蘇文忠書觀音經碑及題識大智祖

師書彌陀字碑又有法喜堂明碧軒舊志嘉泰三年建閣藏

御書扁曰宸奎萬壽之閣嘉熙四年七月禱雨畢理宗車

駕臨幸回鑾撒益甘雨隨至御書明慶二大字以賜之久

廢仁和縣志

潮鳴寺 在郡城東北寺三面皆水水之外皆菜畦而寺

獨踞其中兩湖盛談梁貞明元年錢氏建名歸德院宋高宗南

渡駐蹕寺中開濤聲賜今名元末燬隨建明洪武間立爲

叢林

成化舊志

嘉靖癸未燬僧傑募建

國朝順治戊戌復燬里人施國賢延德水源法師住持重葺舊

有高宗御書蘇詩刻石立于東廡

仁和縣志

按府縣舊志載高宗野水參差落漲痕一絕此詩係蘓

軾所作意高宗曾手書此詩賜寺僧承誤已久今刪

七寶寺

在鹽橋東梁貞明七年錢氏建舊名上方多福

院宋大中祥符改賜今額有臨輝閣六游堂

咸淳志

蘇軾元祐五年十二月十二日同景山義伯聖塗次元伯  
固仲蒙遊七寶寺題竹上詩結根豈殊衆修竹獨出林孤

高不可恃歲

晚雪霜侵

按西湖游覽志七寶山有七寶菴元延祐間道士元谷建龍神廟後有七寶叢林奉元武神者明叅政查允元建山志以梁貞明間所建屬七寶山似誤

西井寺 在井亭橋西梁貞明五年杭牧劉彥荆建于鳳凰山之陽名羅漢院吳越王勅號安國羅漢寺南渡建都廢淳熙僧道顯移建今所內有大井卽唐刺史李泌所開六井之一今在駐防城內

仁和縣志

上方寺 在溜水橋西梁貞明七年建明景泰間廢萬歷二十八年雲棲蓮池大師重修內鑿放生池白爲記

錢塘縣志

釋祿宏放生池記畧武林自宋蹕前駐環湖山禪講律寺燦然若布星列而郭以內稱焉迄今多半湮沒至不可考

諸傳志有上方寺者皆倚城垣左右掖湧金錢塘二門前  
通西井官道蓋肇建後梁貞明七年明景泰四年寺隨廢  
漸爲民居僅存者什一嘉靖二十三年尚寶徐公偁爲圃  
公無子遺命還寺以昇雲棲遂復爲僧地如初子亦贖其  
故址若干向明正位別爲迴廊旋所向而城而門取幽寂  
也顧茲地鄰城城鄰湖湖外高而城內卑隨鋤成流亢陽  
所不能涸因而池之良便以池放生以隙地之敝室稍葺  
其庭楹守以二三誠信衲子蚤暮禪誦庶幾上祝皇圖下  
濟含識得之一舉矣

寶月寺 在天井山坡下梁龍德二年錢氏建名瑞像宋

大中祥符元年賜今額回頭和尚造寶月山塔熙寧時僧

仲殊居此著有寶月集蘇公守杭與之往還甚厚寺久圯

咸淳  
志

金剛廣福教寺 在板兒巷

錢塘  
縣志

後唐天成間善果法師

肩負金剛懃息于此夜放光明陳少師感異捨地爲寺初名功德院宋寶祐間理宗賜今額元至正末燬明洪武十

八年重建萬歷辛亥僧常秀重修

浙江通志

慧安寺 在十三灣巷石晉天福間吳越王建于草橋門

外元季廢地入樺木營明洪武移保安坊永樂間又移今

所僧福天于齋厨右闌一方池嘗買生魚投之爲放生所

于忠肅公有記

錢塘縣志

天長淨心寺

在仁和北壁後洋街今竹竿巷

浙江通志晉天

福四年錢氏建舊名天長宋大中祥符元年改賜今額

武林

志

南渡後析其地爲軍寨咸淳元年興復元季燬明景泰

間重建內有龍華閣宋理宗時捲簾使許正建宋亡隱此  
日出塵菴元延祐元年有僧講法華經天花紛降遂名龍  
華歸併于此者清修院正定菴保福院九曲法濟院

舊志

國朝順治癸巳里紳顧大觀等重建大雄寶殿

仁和縣志

庚子陳爾

琳姚元瑛建彌陀殿白衣觀音殿康熙五年兵脩道熊光

裕建賜子觀音天醫真君殿

浙江通志

宋高宗賜僧廣寶詩大界宜春賞禪門不掩關宸遊雙闕  
外僧引百花間車馬喧長路烟雲淨遠山觀空復觀俗皇  
鑑此

中間

悟空寺

在淳祐橋東石晉天福七年僧齊教建名崇新

院宋大中祥符元年改今額淳祐六年僧法昌重修明永

樂元年僧德兼重建

武林梵志

長明寺

在章家橋東晉天福間建宋開寶四年錢忠懿

王改名法燈治平初改今額佛印禪師開講于此元季燬

萬歷舊志

明洪武十八年重建宏治十五年僧如埧復建萬歷

庚戌葺治一新

武林梵志

寶梵寺

在鎮海樓北晉天福間建于崇新門宋淳熙初

徙建今所崇寧元年賜額明初併入慈雲寺

萬歷舊志

白蓮寺

在平安坊仙林橋

仁和縣志

石晉開運元年吳越王

建名華藏院宋治平間因僧性空誦大乘圓寂改名妙慧

嘉泰重建白蓮慈雲院

咸淳志

咸淳間僧祖顯誦經持戒地

產白蓮因賜白蓮妙惠寺額

浙江通志

陸游慈雲院東窓小憩詩橫間院東偏翛然拂榻眠香濃烟穗直茶嫩乳花圓巖倚圓圍桂筒分細細泉憑誰爲題版擬作小壺天

慈光寺俗名鐵佛寺

在芝松坊佑聖橋西五代晉開運

初晤恩禪師建宋寶慶三年張魏公浚割地以廣之名張

府功德菴元至正燬明正統間重建至萬歷壬子復鼎新

焉

武林梵志

寺內有放光古井大旱不涸又有許光祚所書碑

記

錢塘縣志

吳用先重建慈光寺碑記武林慈光寺有彌勒尊佛以鐵鑄之俗稱鐵佛寺晉天福間晤恩禪師卓錫于此開運初御書慈光普照四字顏其門法席之盛甲于通都宋寶慶三年清河郡王張魏公復捨基拓而充之元至正燬明正



統立中成師重建寺有合抱銀杏五株及放光古井皆宋物井甚甘冽大旱不涸咸稱爲慈光甘露泉云殿後漸圯寺僧慧碑矢志鼎新萬歷甲辰鳩工壬子落成其間助成者僧智能護法宰官則中丞金學曾太守凌登名孝廉吳之鯨等贊襄則王介朱佐沈坤戴倫張永年而與會有俞普才者助義田供常住爲大殿四時香燈之費憶一念堅持衆緣俱到信非誣矣因書殿額爲標而錫之以記

東岡寺

在獅子巷相傳石晉時建宋乾德間重建

錢塘縣志

法惠寺

在天井巷吳越王錢氏建舊額興慶宋治平二

年改額靖康初迎天竺大士禱雨于寺中屬有金難秘像

于井

咸淳志

蘇軾法惠寺橫翠閣詩朝見吳山橫暮見吳山從吳山故多態轉側爲君容幽人起朱閣空洞更無物惟有千步岡東西作簾額春來故園歸無期人言秋悲春更悲已汎平湖思濯錦更看橫翠憶峩眉雕欄能得幾時好不獨憑欄

人易老百年興廢更堪哀懸知草莽化池  
臺游人尋我舊遊處但覓吳山橫處來

千頃廣化寺 在木子巷吳越王建舊名千頃宋大中祥

符間賜今額中興後爲臨安祝聖道場今廢

成化舊志

參寥子千頃廨院觀司馬才中遺墨詩牋隴春雨濕村橋  
竹裏禽聲婆餅焦度谷倦聞車軋軋穿林愁聽馬蕭蕭細  
窺陳迹僧房靜默想風流鄙俗消浮  
魄浮魂今已矣無人爲作楚詞招

寶覺寺 在積善坊巷吳越王建南有慈濟院元至正甲

午建隨燬明洪武間僧宗愷重建

武林梵志

祇園寺 在吳山普光菴側吳越王爲僧清照建于慈雲

嶺南渡造御馬苑移建崇新門明正統賜額嘉靖燬

國朝順治戊戌移建今所

武林談藪

按成化舊志載普光菴有玉壺池吳坡泉錢塘志載祇園寺以吳坡泉屬焉考楊守知碑記云會稽陶氏舊址意普光餘址曾歸陶氏寺僧得以建寺故泉亦屬之也華藏寺 在東里坊橫河橋東吳越王建舊名報恩宋大中祥符元年改今額淳熙重建明洪武間併入潮鳴寺

國朝康熙二年住持霽元明重整

仁和縣志

金地寺 在吳山之金地山吳越錢氏建宋大中祥符元年改妙果此金地山得名之由其寺久廢遺址莫考

咸淳志

寶成寺 在寶蓮山南吳越王妃仰氏建名釋迦院宋大

中祥符間改今額

吳山志

寺後有東坡牡丹詩磨崖左右壁

有麻曷葛刺佛像乃元至治二年左衛親軍都指揮使伯

嘉努所鑿旁有畏吾兒書記文

清波類志

蘇軾留別釋迦院牡丹詩春風小院卻來時壁間惟見使  
君詩應問使君何處去憑君說與春風知年年歲歲何窮  
已花似去年人老矣去年崔護若重來前度劉郎在千里  
左贊寶成寺詩吳山曲徑入西南方丈雲深僧雨三丈  
納吹風香細細葛藤習月影甦甦泉分童子青衣洞壑斷  
維摩白石龕畫省若逢公事了海天送目再停驂厲鶚  
咏麻葛刺佛詩寺古釋迦院清滑石如飴何年施斧鑿幻  
作梵相奇五采與塗飾慘慘猶淋漓一軀儼箕踞弩目雪  
兩眉赤脚踏魔女二婢相夾持玉顏捧在手豈是飲月支  
有來左右侍騎白象青獅獅背匪錦幘薦生用人皮鬬髯  
亂繫頭珠貫何纍纍其餘不盡者復置戟與鉞傍紀至治  
歲喜拾莊嚴資求福不唐捐宰官多佞辭我聞劉元望妙  
此元伽兒轉換入紫閣秘審無人知此像琢山骨要使千  
年垂徧翻諸佛名難解姚秦御遊人迹罕到破殿蟲網絲  
來觀盡毛戴香火誰其尸陰苦久凝立想見初成時高唱  
畏吾族奔走傾城姿施以觀音鈔百錠青鵝披題以撲檄

筆譯寫翻虬螭照以駝酥燈深盤明流離供以封羊心潔  
于大祀儀紅兜交膜拜白傘紛威蕤琅琅組鈴語逢逢扇  
鼓馳到今數百禩眩惑生婁其但受孔子  
戒漫書瞻色碑訪古爲此作聊釋怪謀疑

法輪寺 在觀橋南五代時建于城東額曰觀音後改安

國宋大中祥符間改今額明永樂間僧至恂建今所萬歷舊志

青蓮寺 在車橋北吳越錢氏建宋元豐中吳處厚乞立

程嬰公孫杵臼廟紹興建韓厥廟俱在寺內元至正末張

氏據聖壽青蓮二寺爲府遂廢嘉靖仁和县志

下水陸寺 在菜市橋宋建隆二年因茶槽界建寺賜額

國朝康熙三年因無垢院基遷至今所仁和縣志

吉祥寺 在安國坊卽今誰菴宋乾德三年睦州刺史薛

溫捨地建治平二年易名廣福南渡復名吉祥久廢明萬  
歷間僧靜然卽其舊址重建更名誰菴向傳其地多牡丹

熙寧間名流題詠甚多

仁和縣志

蔡襄賞牡丹對月詩花未全開月未圓看花對月思依然  
明知花月無情物若使多情更可憐蘇軾簪花詩人老  
簪花不自羞花應羞上老人頭醉扶歸路人爭笑十里珠  
簾半上鈎花將落而述古不至詩今歲東風巧剪裁含  
情只待使君來對花無語花應恨直恐明年便不開述  
古期明日同至因步前韻仙衣不用剪刀裁國色初酣卯  
酒來太守問花花有語爲君零落爲君開白陂錢塘吉  
祥寺花爲第一玉子清明賞會最盛金盤綵籃以獻于座  
者五十三人夜歸沙河塘上觀者如山爾後無復繼也今  
年諸家園園花亦極盛而龍興僧房一叢亦奇但衰病半  
落白無以發興耳昨日雨電如此花之有者有幾可爲嘆息也

定香寺 在艮山門內宋乾德四年許丕建治平二年改

僊林定香寺寶慶間移建東里易今額元末燬明洪武初

重建二十四年併入僊林

萬歷舊志

上水陸寺 在獅子巷南宋太平興國間建內有古銀杏

二株相傳宋時所植

錢塘縣志

按水陸寺有三在城外者名外水陸萬歷舊志所云歸

併佛惠寺是也蘇公寄清順詩係外水陸錢塘志誤載

菩提寺 在北壁里潘圓菴舊在錢塘門外宋太平興國

二年錢惟演捨宅爲寺七年賜額堂曰南漪曰迎薰有東

坡石刻詩建炎燬紹興重建元末復燬明洪武徙建北壁

學士倪謙撰記

仁和縣志

蘇軾南湖堂看杜鵑詩南湖杜鵑天下無披香殿上紅羅  
瑜鶴林兵火真一夢不歸園苑歸西湖 司紫芝苦提軒  
晚晴詩杭穎雄本自殊淡粧濃抹是吾妹滿傾潑玉千  
鍾酒來看鎔銀百頃湖白鳥去邊山潑黛綠蒲疎處雨跳  
珠不知能事王摩詰  
貌得西湖落照無

雲居聖水寺

在雲居山

錢塘縣志

雲居菴者宋元祐間僧了

元建聖水寺者元元貞間僧明本建明洪武二十四年併

聖水于雲居名雲居聖水寺

西湖游覽志

寺有中峯髮塔麻鞋

趙文敏書淨土詩碑又有三佛泉萬佛閣松樂泉超然臺

振衣亭朝陽洞呂字岩三台石海棠石壁江櫺石聖水巖

龜石眠牛石諸勝成化間僧文紳修復

雲居寺志

國朝康熙五十三年重建

浙江通志



張翥吳山聖水寺詩高處見滄溟西風吹酒醒潮來一片  
白山擁萬重青草木如浮動烟塵忽杳冥登臨不可極吟

思滿  
秋汀

按萬歷錢塘志云雲居建于唐懿宗時本寺志云咸通  
僧道膺卓錫于此寺有古桐白香山爲刺史時至寺有  
詩香山以長慶二年刺杭去懿宗咸通遠甚旣云詠寺  
桐何以有咸通始建之說意此寺或創于咸通前亦未  
可知然已無考姑從舊志

百法寺

在石龜巷

咸淳志

宋建炎初僧寶寧建有大佛半

身依山鑿石爲之舊名百法菴淳熙間移湧金門易名廣  
潤院元時改額百法趙子昂書元末燬明天順僧道冲重

建

武林梵志

演教寺

在望江門內宋建炎三年慧海法師建元末燬

明初僧正因重建

錢塘縣志

後頽廢漸入茅墳園

國朝順治間稍復其一二焉

武林談數

惠林寺

在蒲塲巷宋紹興初汴僧惠林建元季燬明洪

武間僧曇芳重建

錢塘縣志

興福寺

在義同坊斜橋宋紹興初左丞薛昂以花藥園

施僧築菴曰擇勝後請龍山已廬興福院額表之今爲叢

林寺內大殿經年不惹塵埃名無塵殿明末燬殿獨存

國朝順治間僧玉涵重建

仁和縣志

開寶仁王寺 在七寶山先是東京開寶寺有仁王院僧

慧照隨駕南渡紹興五年奏請權建于七寶山賜額嘉泰

紹定間燬僧祖仁重建端平元年尙方鑄鐘以賜淳祐間

御書額

咸淳志

景定燬重建明天順又重建

錢塘縣志

錢惟善次李克讓過邱以敬仁王寺讀書所詩先生讀書處庭草似人長明郭萬家畫風濤六月涼問奇能載酒習靜自焚香書此招提宿非因事覺呈周文璞歸憇仁王寺詩重到招提未覺遲鉢單初副給衣時僧房齋院門門閉杏子枇杷樹樹垂蟻蔭經幡求托化龍纏佛坐學慈悲長年無事閒來此坐對空山賦小詩薩天錫仁王寺詩于尺青蓮座烟霞擁地靈山川幾鞠屐日月兩浮萍鳥度天垂海龍歸水在瓶深堂說法處應有石頭聽

僊林慈恩普濟教寺 在僊林橋西宋紹興三十二年洪

濟大師智卿建

武林梵志

隨築戒壇具奏請額勅賜僊林孝宗

踐祚扁賜隆興萬善大乘戒壇理宗時改今額淳祐三年

賜飛天法輪寶藏額併御書鐘銘元至正癸未延燎復建

明洪武中改建鐘樓天啟中燬里人復募建

仁和縣志

理宗僊林寺鐘銘大塊噓噓震薄齋輿脊此洪鐘以是出  
虛樂銚其角十分其鼓豈有鑄鼎收金遺禹博大闢釋厚  
薄和勻上開天闕下徹地垠乃警聾瞶乃割昏曉咨爾有  
聞孰不心岐以爲有聲匪撞不鳴以爲無聲如雷如霆作  
鎮梵宮法音無際羣我神準萬有千禩王禕僊林寺戒  
壇記杭州僊林大慈恩普濟教寺有萬善戒壇普爲四衆  
傳授三聚淨戒之所也至正三年寺厄于火壇亦就燬就  
公來領寺事以興廢起墜爲已任久之始克哀衆施建大  
佛殿繼又建三門兩廡及選佛選僧二堂惟戒壇未及興  
建爲費最鉅郡人顧君天祐父子者嘗與就公論道而有  
契焉慨然樂爲之造乃捐金穀購木石卜吉而庀工始于  
十一年正月口至明年十月而訖工竊惟就公務隆祖道  
載揚宗風圓機應人能無留礙而顧君宿植德本雅慕真  
乘于世有爲一無吝惜宜乎茲壇之建以壞爲成有所不

難也

普慈寺 在蒲塲巷宋紹興中僧思淨建明季燬僧智珏

募葺思淨善畫彌陀俗姓喻亦稱喻彌陀內有張九成塔

銘

嘉靖仁  
和縣志

姚園寺 在高陽閭巷舊名崇寧萬壽教寺宋初爲姚氏

花園紹興間僧購園結菴乾道賜額淳祐二年建膺福殿

奉理宗御容元季燬明洪武初僧大雲重建

舊志

定水寺 在七寶山舊爲觀音菴

咸淳志

宋乾道八年建于

萬松嶺嘉定八年移清波門外元時築城徙此

西湖游覽志

廣壽慧雲禪寺

在艮山門內白羊池宋張循王之孫銘

捨宅爲寺紹熙元年賜今額咸淳志俗呼爲張家寺內有留

雲亭白蓮池

成化舊志

元至正中寺燬明洪武間僧文剛永樂

間僧永忠宣德間僧廣睿宏治間僧福海相繼重建

武林梵志

聖壽寺

在孩兒巷卽永福寺宋嘉定初建淳祐賜額永

福奉秀王香火元初燬明洪武中重建宣德十年賜今額

少保張瀚有記

嘉靖仁和县志

寶奎寺

在七寶山麓宋理宗朝相喬行簡故第

兩湖塵談行

簡捨宅爲寺以寶奎請額門徑幽深樹石清雅有寶月樓

見滄巘石上刻見滄二字相傳理宗書

吳山考古畧

元季燬明

宏治中重建

武林梵志

覺苑寺

在豐樂橋東宋嘗徙三聖廟于此改賜額曰旌

忠廟

嘉靖仁  
和縣志

寺久廢明宣德中重建

武林  
梵志

佛惠寺

在義和坊馬市巷宋寶祐間佛眼開禪師遙見

此處紅光乃結茅爲菴俗呼壽火星菴元大德間更菴爲

寺名佛惠明正統間重建

仁和  
縣志

法慧寺

在東里坊宋嘆墨先生結茅之所有友定遠將

軍解甲同居後爲上名相與隱去不知所終

國朝康熙戊申僧瑞光重建

仁和  
縣志

靈壽寺

在曲阜橋東亦名畏吾寺元至正間左丞相達

識帖睦耳建本畏吾氏世族故亦名畏吾俗稱義烏寺明

洪武二十四年改額今入駐防城內錢唐縣志

清真敎寺 在西文錦坊南萬歷錢塘縣志元延祐間回回阿老

丁所建舊志內有明永樂勅諭碑景泰中復葺

國朝相繼重修浙江通志俗稱禮拜寺武林梵志

壽聖寺 在義同坊俗稱祖山寺明永樂間建有宋時大

井濶丈餘舊四眼今存其一後有虎林山一名武林仁和縣志

天華妙德禪寺 在西城以妙總院華嚴菴及德一道院

基址開建叢林額曰天華妙德天華寺碑記

元妙觀 在石龜巷西湖遊覽志唐時為紫極宮梁開平二年

改真聖觀宋郡守王欽若徙天慶觀額于此咸淳志元時改



今名明正德中重建

舊志

後有石洞陰寒夏遊最快觀中有

蕉花可卜休咎

元妙觀志

吳全節元妙觀詩榴皮書壁走龍蛇池上芭蕉又見花北  
闕恩承新露西湖光動舊烟霞春風日長元都樹秋水  
星回碧漢棧修月功成三萬戶蔬珠宮裏誦南華歐陽  
元元妙觀詩羽衣榮捧紫芝泥除道松關驛馬嘶水國飛  
符驅海鯢雲房解榻聽天雞月中桂子吹香送池上蕉花  
與屋齊珍重霞城黃石老輕身許我躡丹梯張雨元妙  
觀詩巖頭紫殿插欄牙直下蕭閒水竹家赤鯉見人翻鼓  
浪元夫據石翻吞霞仙留池上青蕉動飲散林間白日斜  
挽住冷袍遮醉語莫令辜負美金華張翥題元妙觀詩  
遠別仙人黃石翁一籠香火領祠宮青衣洞備荒苔雨白  
馬山寒古木風金鼎空歌聲渺渺蒲團晏坐  
息濛濛不知巖客重來否零落蕉花石沼中

真聖觀

在元妙觀左明正統間重建以真聖舊額與元

妙並立

成化舊志

中有蜥蜴碑芭蕉池玉壺泉又名子午泉

舊志

三茅寧壽觀 在七寶山東麓唐時爲三茅堂宋紹興二

十年因東都舊名賜額殿曰太元內奉徽宗御畫茅君象

累朝賜觀御書有高宗黃庭度人經寧宗道紀堂字理宗

養生論

西湖遊覽志

紹興間賜古器三種一宋鼎宋孝武帝孝

建元年作一唐鐘本唐澄清觀舊物上有河東薛泚銘一

褚遂良書小楷陰符經

咸淳志

近志增以吳道子南方星君

像玉靶劍七寶數珠軒轅鏡爲觀中七寶吳道子畫及劍

見陸游碑記惟數珠古鏡未考所自耳元至元燬明洪武

初重建成化十年建昊天寶閣

湖山便覽

嘉靖間賜道藏改稱

吳山佑聖觀戊午總督胡宗憲改三清殿爲元武殿萬歷

間賜道藏經一部明季漸圯至

國朝僅存三茅君小殿錢塘縣志

陸游三茅寧壽觀碑記紹興二十年十月詔賜行在三茅堂名寧壽觀因東都三茅寧壽之舊也初章聖皇帝建會靈觀寔于崇元殿之側營三茅君殿是為祖宗崇奉之始至是高宗皇帝方濟天下于仁壽之域尤垂意焉乃命道士蔡君大象知觀事蒙君守亮副之許其往世守又命內侍劉放與領置吏胥給清衛兵畧用大中祥符故事後十年放遂請葉官專奉寧壽香火詔如所請賜名能真改左右衛都道錄仍領觀事寔又用至道中內侍洪正一故事上心眷顧此觀每示優假如此然迨今歲月浸久未有紀之金石以後上賜者紹熙五年六月知觀事冲素大師卻君道俊始礱石來請游為文傳示後世伏觀寧壽觀寔居七寶山之麓表裏江湖拱輔宮闕前帶馳道後枕崇阜盡得都邑之勝廣殿中時修廊外翼雲章寶室藏帙富麗浩浩乎道山蓬萊之藏也鐘經二樓暈飛霄漢飄飄乎化人中天之居也金符象簡羽流畢集進趨有容肅恭齋潔濟濟乎茹靈芝飲沆瀣之衆也葉以電旌節以玉磬侍者翼

從以登講席琅琅乎徹九天震十方之音也祐陵之御畫  
 德壽重華之宸翰煥乎河洛之圖書也鴻鐘大鼎華蓋寶  
 劍褚遂良吳道子之遺跡卓乎秘府之奇珍也榮光異氣  
 夜燭天半所以扶衛社稷安鎮中夏者于是乎在非他宮  
 館壇宇可得而比焉商輅三茅寧壽觀諸天寶閣記杭  
 邵治東南有吳山左江右湖爲一郡勝槩上有三茅寧壽  
 觀直七寶罕之餘間此登覽因觀寥陽殿左隙地宜增飾輪  
 奭遂捐已貲市材僦工鼎建吳天寶閣上奉元穹聖像下  
 列佑聖真君像脩極莊嚴以至鐘鼓香花凡供神之物無  
 不悉具觀之鐘樓先此久圯併爲新之經始成化壬辰冬  
 十二月落成于癸巳秋八月命住持道士夏雷轟率其徒  
 衆晨香夕銓祝聖延壽祈福錫民其用心善已若乃雉牒  
 前環屏巒後拱波濤浩渺潮汝吞吐至此使人神情舒暢  
 塵慮消釋間之形勝卽觀之形勝覽者當自有得予不佞  
 書王炎同李魯三郎中遊三茅觀詩三首羽衣邀我坐  
 蒲團一穗香雲繞竹爐九陌紅塵飛不到疑從木豕入懸  
 壺愁邊無處寄幽懷凝傍梅花把一杯玉靨含香渾未吐  
 當攜歡伯爲重來路入疎梅密竹間俯看水墨畫湖山玉  
 妃如我清遊好翦水飛花作苦寒仇遠劉悅心入道三

茅觀詩鶚冠高掛九松顛去結三茅香火緣相國向猶爲道士將門今又出神仙坐看紅日生滄島吟寄青衣入洞天跨鶴歸來雲舍近西風井邑只依然薩都刺三茅觀詩楊子江頭春水漲三茅觀裏碧桃開道人不同天南北夜半月高騎鶴來王冕三茅觀詩層巒開逕隱空清勃宰蹕蹕眼力生蘿磴癡風留宿雨石林寒竹動秋聲城隍卜取紅塵海樓閣高懸白玉京夜靜何人吹鳳管碧桃千樹月華明

東嶽中興觀 在吳山至德觀左宋大觀中建東嶽行祠

紹興間有茹氏者捐資訖成之嘉泰燬重建扁曰崇道菴嘉定乙巳始請觀額紹定嘉熙間仍燬安撫趙與權與憲

卽其地改卜易向理宗御書東嶽之殿以賜元末燬明景

泰間建成化十年又燬嘉靖重建

舊錢塘縣志

陳壽文謝賜御書觀額表伏以琳館肇新位定東方之震宸奎寵錫光昭南面之離道日普明宗風益振竊以泰山

之士是爲方岳之宗卷此神臯首從祀與海山歸會坐介  
江漢朝宗火木相生有永邦家王氣當奎婁之躔次控青  
岱之要衝鬱然膚寸之雲偏若崇朝之雨權輿尊于管攝  
嚮當取于發生壽文浪跡江湖畏思香火甫鳩工之有日  
忽渙號之自天畫深雲章增重湖山之勝墨文鳳翥於昭  
雲漢之光聲三極之具瞻龍萬靈之拱護齊休宗祀永鎮  
乾坤伏遇既聖多能清心寡慾仁風溥博撫先王必世之  
時厚德施生致大道無爲之化兵鋒偃息民俗阜安瑞露  
凝甘景風吹暖際此清閑之燕遊茲翰墨之休送致微臣  
亦從所禱臣應對酒掃仰瞻御畫之星垂曉夕焚修願祝  
皇圖之鞏固寶祐  
元年癸丑三月日

通元觀 在七寶山東南麓宋紹興間命內侍劉敷典領  
三茅觀事敷夢三茅君駕白鶴至瑞峯之陽旦見三鶴飛  
翔夢所乃卜其地築壇爲宇高宗御書通元二字榜之并  
賜道號能真觀有壽域樓萬玉軒坐鶴亭謁斗閣白鶴泉

鹿泉諸勝三清殿後石壁刻高宗御詩又有貫雲石虞集

張翥贈詩石刻元道士俞行簡重修明正德嘉靖間道士

徐元一郁克正更新

國朝康熙間道士朱閔緒重建三清殿

通元觀志

劉放廟建通元觀碑記夫通元觀之肇創也原教卅角時  
輒迺淨厥身造厥欲慕厥道冀求真全元氏之門域世弗  
容育進事內庭因荷天渥授以內侍官賜食玉食衣錦衣  
掌宮禁相玉宸富貴亦極矣雖然詎教志哉蓋嘗嘆曰富  
貴夢幻也真全身寶也獨富貴而匪求真全是惜夢幻而  
捐身寶者放寧弗致于審耶因學觀心養性煉質守形誨  
道機窮道奧真全企悟于宮若屢懇請于主上丐放山林  
虛靈矣于是竊修道于宮若屢懇請于主上丐放山林  
就心學紹興庚午頂激皇衷命出主吳山寧壽觀手賜法  
名能真給福牒賞紫衣暨七寶頃田所賞之隆悉歸于觀  
供奉香燈游命教持堅養道祝國永長仲夏辭陞入山篤  
謹焚修密守煉功幸幾圓成無辜廷慮已卯臘初放夜坐

夢三茅君偕趺胎禽旋遊山角狀若棲止伺明旦瞻之果  
見三鶴踰年是日鶴復來翔意敖之威于茅君驗曷殊甚  
也遂仰鶴稽顙矢構觀以迎卽期相地翦莽斫荆鑿山平  
基運斤斲木前創茅君之庭後墜三清之殿築謁斗臺于  
乾維立望鶴亭于艮位經房丹室起蓋隨宜衣鉢山門蔑  
一不脩工竣觀罔額持疏請沐御題曰通元仍加聖書于  
左煥耀元宇於戲觀幸矣哉額亦稱矣哉敖之心不亦愜  
矣哉且昔敖在內侍也寤寐之間念念于道故嘗履富貴  
而厭處談真全而樂聞是非薄緣種種植元門宿慮有在矣  
以求道而道得適請而請從効修煉而獲悟夢茅君而化  
鶴哉又奚以勸觀成而請疏上通元之題沛自九重而光  
福地哉工始庚辰之丑訖壬午之申請額月弦而石壁裏  
于月望也後之嗣觀者尙守之哉紹興三十二年七月  
元日記吳全節重修通元觀碑記凡今爲吾道之教者  
爲宮殿樓觀門垣務極宏麗而像設其教之所由興及其  
所爲輔者崇祀之以爲天子祝釐之所故法制與王者埒  
而無所禁自京師至郡邑皆然有來告而求識者大抵倭  
國家崇賜予之盛極其土木營繕之勞而已杭城道士俞  
行簡告予天下名山岳鎮爲大而吳山實浙之大觀郡之  
形勝也而山之奇勝處皆仙宮琳宇而山之南麓有道觀



宋額賜曰通元者高宗南渡紹興中貴鹿泉真人劉公能  
真修真之所公嘗夢三茅君駕鶴旋繞其處翼旦則有三  
鶴翔空遂創斯所逮今有元百數十載國運雖革而觀宇  
不廢故募衆緣匠石掄材治甃修三清茅君之宮殿建  
謁斗望鶴之亭臺暨山門廊宇繁而新之請爲我紀其事  
著銘勒石垂諸不朽予聞行簡之言因有感焉夫茅君之  
仙踪勝蹟顯靈于世載之道典者久矣故累朝設官奉祠  
香火在金陵之句曲山爲尤盛而通元之建自鹿泉始今  
行簡有恢復之勞所以崇奉茅君祝聖佑民俾三光全而  
寒暑平五穀熟而民人育翊皇圖于萬年播元風于悠久  
則未必無小補云爾謹稽首而爲之銘曰真君昔下茅山  
峯獅子白鶴歌離離龍旗鸞輅臨天風霞裾月珮開靈宮  
天香繚繞雨花濛濛真君晏處百福崇上帝錫命嚴且隆九  
天司命垂元功道包宇宙恩龐洪物無疵癘年穀豐徵臣  
著銘書亦工巨鰲負石厚以穹通元福地垂無窮通元福  
地垂無窮虞集通元觀贈俞行簡法師詩仙壇遙接上  
真宮吳越江山一望中南北兩峯雲霄露東西三浙雨冥  
濛經聲旋動仙音作樓閣紫迴複道通雲鶴仙人無定跡  
巖輪時轉望三峯貫雲石通元觀詩通跡復忘形丹成  
養性靈精誠動神鬼呵叱走風霆鶴去松雲滿龍歸雨氣

塵送師歌短曲涼吹襲江亭  
胡世寧通元觀星臺謁斗  
詩白石屑臺依翠微道人曾此振霞衣招搖入夜朝華蓋  
元武中有麗羽旗隱隱步虛雲外度琅琅仙吹世間稀月  
明拜罷鐘聲動驚起庭前彩鳳飛方九叙題通元觀壁  
詩吳山東下何縈迴仙人樓閣空中開紫霞春暖綠蘿館  
碧雲夜冷黃金臺亭前竹露浮寒玉石上泉香眠野鹿步  
虛歌罷鶴飛還冰月紛紛滿幽谷黃機題通元觀詩白  
鶴真人館青牛羽士家江湖澄月露洞壑闕雲霞野服初  
荷芰山杯釀菊花景純遺井在長此煉丹砂洪昇題通  
元觀詩曲徑通仙觀層崖啟洞天松陰人枕石花際鹿跑  
泉壽域三千界靈柯五百年  
古亭雲不去猶待鶴飛旋

洞真觀 在夾道巷宋紹興間建元至順辛未道士顧石

菴修葺明初王守中開拓殿廡成化丙戌燬住持何志遠

等相繼重修

浙江通志

承天靈應觀 在吳山俗稱三官廟舊為天地水府三官

堂紹興間改冲天觀

咸淳志

紹定四年燬端平元年重建改

賜今額元末燬明洪武道士嚴一清重建

西湖游覽志

任士林承天靈應觀記承天靈應觀在杭州東南隅吳山之巔至元十三年元靖真常大師陳君元德實主觀事隸觀之田有司籍在常住免其租入元德力也初觀曰冲天創于宋紹興祠天地水府三官費內帑緡錢若干萬燬于紹定建端平始復建奉旨賜今額淳祐中增建玉皇寶閣方綿定既燬而未復也觀妙大師鄭君守一慨然曰是不可不問神營心計上稜時宰江淮列閭千里求施出殿闕于瓦礫之場刻幢蓋于塵煤之聚祥麟畫下景光夕遊巍巍乎列聖之居秩秩乎羣玉之佩三官朝而玉皇侍也川行岳立景福攸介三門應臺守藏之室齋庖之房周阿崇峻列楹齊月翼以梓潼真祠朱仙閣宇觀于是後于舊矣始清臣嘉鄭之功自禮部俾以承甲乙嗣鄭者惟其宗今三傳元德為善繼使繼而起知鄭之心宏陳之守觀且久弗替矣于是乎記吳納登吳山留題承天觀詩滿目盡樓臺路從山頂來潮生沙岸沒雲破海門開官舍籠鵝夫道人騎鶴出題詩向何處石壁掃蒼苔劉基題承天觀

詩吳山頂上承天觀玉牒金符鎮地靈百尺樓臺依斗極  
九霄風露出窓櫺江聲洶湧蛟龍闕雲氣虛無翡翠屏見  
說蓬萊恰相對仙凡只在隔滄冥

佑聖觀 在錢塘興禮坊宋孝宗爲普安郡王時外第也

淳熙三年詔改爲道宮紹定間重建賜額曰佑聖元大德

七年燬是年重建改爲觀成化舊志內有洗竹亭七葉坡禮經

筵夢雲樓清暑檐種藥畦馭鶴臺吹笙石冬青逕洗藥井

西湖遊覽志又有宋理宗像趙孟頫書碑萬歷錢塘縣志元季兵火此

觀獨存

國朝初年凡遇慶賀節皆于此習儀上供

萬壽龍牌前有天王殿及九皇四將三清雷祖天師等殿後有玉

皇閣順治乙未設置火藥局不戒于火三清等殿皆燬康

熙五十二年

欽頒道藏供奉殿內雍正七年移供聖因寺

浙江通志

旌德觀 在洋市旌德觀巷舊有先賢祠在蘇堤宋寶慶

二年郡守袁韶奏倣紹興鴻禧觀建祠祀鄉名士自許由

至張九成及列女凡三十九人作贊立石而觀名始翔後

經兵燹改祠城中之保安坊旋廢

錢塘縣志

明正統初羽士許

道昌卽其故址創建殿宇仍揭舊額曰旌德觀乙丑建地

祇殿奉東嘉忠靖王

國朝康熙五年燬于火先是見夢于里人王德盛王感神庇捐

資購材觀宇復新

旌德觀志畧

宋濂忠靖王碑記歲在闕逢治灘斗杓直寅某日某甲子  
東嘉道士儲祥曦新作溫忠靖王廟成後十有一年太史  
氏濂爲之記曰太虛之間一降一升而能橐籥于無窮者  
非氣母也耶氣母之所繩其出無根其入無門而其應也  
甚神人能察乎陰陽之變而不凝滯于物者其知鬼神之  
情狀矣乎王姓溫氏名瓊字永清溫之平陽人也父民望  
嘗中明經甲科老髦無嗣與妻張道輝晝夜籲于上帝一  
久張夢巨神手擎火珠自天門而來謂曰吾乃大火之精  
將降胎爲人張覺赤光被體中猶喜喜然因有妊以唐長  
安二年五月五日午時生其左腋有靈篆二十四右斗之  
七歲習禹步爲罡十四通五經百氏及老釋家言二十六  
舉進士下第乃撫几嘆曰吾生不能致君澤民死爲泰山  
神以除天下鬼厲耳復制三十六神符授人曰持此能主  
地上鬼神言已忽幻藥又象屹立而亡蜀葉天俊用其符  
崇除沴氣之爲人裁者彷彿見王衣赭袍握寶劍乘追風  
駿下之勅召之家遂皆祠王以祈靈響焉初封翊靈昭武  
將軍正祐侯其曰正福顯應威烈忠靖王宋季之累加也  
王之事行見于傳記者如此自薦紳先生言之可謂怪神

之極殊不知氣母之所孕入奇出神靡所不有蜚龍感而異人生元象應而神蹟著蓋不可一二計惟夫偏盤或足以病民故必降剛明方直者而祛斥之此夫天之恒道非所謂怪也古之聖神體天以訓民鑄鼎以象物使民知神姦故入川澤山林魑魅魍魎莫能逢之奈何氣漓俗激御陰陽通神明之術不傳方士之徒遂得竊其機權而用之世之昧者不知出于古聖神遺法歸諸道家往往鄙其謠誕不經嗚呼是果謠誕不經者耶非耶係之以詩曰南離有赫大火神下上六氣凌三宸靈龍乘輶輔以雲披髮下降瘴海濱帝出手震物以伸約束百鬼主地門神往從之勢翩幡豹韃絳衫紫纒巾七斗直劍火暈輪岳祇瀆鬼爭駿奔癘或憑人叱使氓弼贊元化題一釣東嘉之山翠嶙峋作宮翼翼鸞鳳焉牲牢肥膾酒鬱燭挺然正氣扶乾坤山明澤媚日曠暄

至德觀 在吳山俗稱太歲廟卽十二曜太歲堂也原隸

太史局紹定燬羽士請以爲廬端平間御書扁曰至德之

觀

咸淳志

傍有通儀臺元至正燬渾儀無存行省丞相達實

特穆爾重建元末燬明天順間道士吳志中重建每歲迎

奉勾芒之神于此

西湖志

宋校之至德觀記杭州吳山至德觀相傳崇奉太歲帝君香火載稽羣志宋淳祐元年尚書省牒道士龔道清焚修住持由來遠矣江南歸職方氏復益葺理就緒至正壬辰蕩爲灰燼浙省丞相達識帖木兒上承龍眷砥柱南服養民事神靡不勤恪鼎新營建命理問官大都沙總其事宣差帖木督其程經始子至正二十二年四月告成于是年十月中建至德殿後起星宿寶閣前植山門翼以兩廡丹雘照日觚稜插漢肖塑三大帝直五星九曜周天星宿后土神煞慈嚴猛奮起敬起愕又以餘力治方丈井甃在在完好跨越前規施者禱者雲集焉 吳繼宸至德觀記吳山巔有至德觀峙藩署之東偏按郡乘宋紹興間在渾儀臺側奉歲神歲首春勾芒宅焉天子爲題額至正燬渾儀廢而間復建設天帝星曜象俗稱星宿閣元末復燬天順間始振于道士吳志中爲複閣閣上奉天帝羣曜閣下奉至德及勾芒六甲巋然高峙上雨旁風蠹蝕其裏不葺且圯不佞新之觀者壯焉閣前距百武而伍相廟遙相望踈



山俯江神靈鬱盤天時地利是馮是禋是役也左使趙公  
倡什三右使范公成什七陶埴塗墍若干工植若干鳩工  
六月以十月朔告成不佞爲之記趙  
公名欽湯解州人范公名涑休寧人

清源崇應觀 在吳山奉清源真君宋寶祐元年蜀人牟

子才等陳請旨就吳山下地建廟御書清源崇應之觀清

源之殿今久圯

咸淳志

寶極觀 在觀橋西北舊名元元菴元延祐五年道士張

無爲建明永樂間真人周思得扈駕北征有功旣沒其徒

請大其菴制可因賜額寶極觀中有十景曰孤雲訪道赤

脚談元祖亭秋月仙閣朝霞元圃緋桃石壇丹桂蒼松雪

鶴玉沼金鱗環林夕照觀橋春水觀內又有張三丰遺像

嘉靖仁  
和縣志

元同觀 在八字橋西南癸辛街元至元癸巳都道錄郎

如山建大德辛丑賜額前有楊氏瞰碧園後燬明宣德乙

卯重建今入駐防城內

仁和縣志

重陽菴 在吳山右唐開成間祖師韓道古結茅以居感

青衣童子出現有泉湧出瀦而爲池元大德間西川道士

冉無爲雲遊至此建三清寶閣元帝聖殿天師廣微子書

青衣洞天吳山福地十方大重陽菴十有四字刻于石壁

道書言天一爲陽而清又爲陽故曰重陽明洪武二十四

年立爲全真叢林丙子道士鍾道銘重建成化間修

重陽菴志

長壽菴 在武林門內卽翔鸞院舊址後唐清泰元年錢

氏建宋元以來院久廢明萬歷間蓮池大師募紳士贖其

故處爲放生池遂改今額

仁和縣志

十願菴 在東里坊卽古智勝院天福二年錢氏建舊在

南北壁明萬歷間徙建今所

仁和縣志

壽春菴 在清平山宋太平興國中有僧自永嘉來恒以

掃帚自淨其居因名其菴爲淨居禪院元時燬而復修更

名壽春明永樂二年歸仁王寺尋復爲菴嘉靖十六年總

督胡宗憲建關帝殿于菴之址殿前有井曰寶蓮

壽春菴志

陳景鍾詩欲問金蓮水清泉出屋陰徑穿青竹入門護白雲深嵐岫連東越烟鐘接北林山僧無課誦煉藥養禪心

懷蓮菴 在義同坊卽古百福院晉天福中錢氏建元至

正間燬惟存二古井

國朝康熙壬子僧九儀吉山重建御史嚴曾渠題額

仁和縣志

曹源菴 在東里坊卽古長生寺周顯德四年吳越王建

久廢明萬歷四十年重建

仁和縣志

秦松齡詩小築傍招提安禪絕所思艱難行脚後容易退耕時佛火分池面茶烟合竹枝語深忘去住一榻髣如緣

華嚴菴 在東里坊艮山門內宋建炎初建嘉泰三年賜

額法明元末燬明萬歷間徑山僧卽其故址建菴洪瞻祖

爲題額曰華嚴

仁和縣志

童佛菴 在蔡官巷相傳宋慶元間建舊爲臨安府香火

院今殿內龍牌背有慶元三年弟子陳統同信女許氏妙  
寶數字明成化間里人翁茂捨地建殿萬歷後圯崇正癸  
酉重建其稱童佛者曾有童姓老人雙修于此因以名菴

清波

類志

陳景鐘詩杏花深處住初禪太守常施供  
佛錢怪底一龕經像古龍牌字記慶元年

紫陽菴 在瑞石山宋嘉定間邑人胡傑居此建集慶堂

元至元間道士徐洞陽得之

西湖遊覽志

常感張平叔住山傳

訣因創菴名紫陽

兩浙名賢外錄

其徒丁野鶴坐化于此遺蛻尚

存明方伯臬繼宸范涑重修

國朝雍正十二年奉

勅重修

錢塘縣志

乾隆二十二年

聖駕幸瑞石古洞遷菴于寶成寺後

瑞石山志

馮夢正重修柴陽菴記武林諸山脈自天目龍飛鳳舞挾江湖海之巨麗而盡于吳山吳山之最勝曰瑞石山志稱其秀石玲瓏巖竇竊綠寒泉滴瀝瀝瀝為澄泓清幽徹骨空翠撲肌蓋寶錄也而紫陽菴者又擅瑞石之勝宋嘉定間邑人胡傑居此始建集慶堂元至元間羽士徐洞陽居之改今名其徒丁野鶴者葉俗棲真屏居于此將化之日召其妻王守素入山付謁云嬾散六十年妙川無人識順逆兩俱忘虛空鎮長寂遂抱膝逝端坐如生漆蛻尙存野鶴所證蓋得北真之道者而紫陽則張平叔別號又南真也南真修形神俱妙之術北真兼契虛無其歸雖同入處稍別豈有師南而徒北耶然不可考矣菴久廢正統甲子羽士范致虛重興之作玉虛堂望江二樓聳大年為之記然菴踞直指臺之上招呼可及以故頗禁登陟遊人少香火寂寥自正統迄今凡百五十年又不知幾經廢興矣今左史溧陽史公遊其地而樂曰美哉斯境蓋仙真之所宅靈淑之所會而頽圯若此今崇奉靡托瞻慰無所以助

登高之燦思豁望遠之冲眸此地主事也乃議新之菴東故有會真堂平屋三楹因而樓之側樓四楹輔之殿倚山山故有蓬萊閣三楹其址僅存因而亭之金碧輝映旦暮改觀山若闢而壯泉若濬而澄左右江湖若滌而寬數百里山川遠近獻狀于咫尺之下若廓而新是役也經始于某月日落成于某月日工凡若干而囑予記之公名某字與余俱丁丑進士改庶吉士

按張平叔爲道家之正宗其悟真篇一書所謂止念爲第一觀者與天台止觀之宗若合符節

世宗憲皇帝封爲禪仙茲菴實道脈之所係矣

七寶菴 在七寶山元延祐問道士元谷建至正間貝一

默重修今久圯

西湖游覽志

長春菴 在東西壁元至治初有姚姓者其妻蔡氏建此

修真姚亦別建長生菴于妙心寺北今入營內

武林談藪

普光菴 在忠節祠北元元統間丞相莫華捨地僧法藏

建

萬歷舊志

凝真菴 在平安坊元至正庚子境內疾疫里人馬教授

捨宅爲菴請紫陽菴姚懶朴醫之疫遂止明洪武重建後

燬

國朝康熙間重修

嘉靖仁和县志

三聖菴 在菜市橋西明嘉靖間僧瑞霖建

國朝初張文嘉吳明志等興悲智社以菴爲堆積棺龕之所

仁和

縣志



餘菴 在東里坊明萬歷丙辰地現榮光涌銅佛一觀者驚

異五臺僧舍容卽其地誅茅鋤磔構精藍焉其後里人成

肇毅盧琦共鼎新之

仁和縣志

省菴 在武林門內明盛京都督陳紹江以花園捨僧建

菴

國朝順治間僧悟則募衆重建殿宇錢塘令慕天顏重題額

仁和縣志

縣志

慈濟菴 在義同坊社壇巷明萬歷十八年建女僧道吉

苦志修持無病坐化

仁和縣志

蓮居菴 在土橋東明萬歷大覺龍禪師重建

國朝順治間本金鉤法師復搆藏經閣說法說戒于此

武林談藪

孝義菴 在菜市橋西卽古無碍菴明萬歷間重建蓮池

大師室人湯氏安禪處也大司馬宋應昌有記

仁和縣志

宋應昌孝義菴記蓮池禪師少與予同業黉校風志方外以二尊人在不敢離既先後歲雙失怙特將力圖所願室人湯氏年才一十有九前兒殤亡憶子與之規疑未决已而念風燈不火時不我延遂疾從薤染宗人議以三姪文彬爲後湯亦脫簪珥爲尼僧舉所有田廬普給羣姪于文彬低昂之而別以居獨文彬支彬已從隣僦繩樞蓬戶久燈晨昏間如也一時宰官居士爲買趙氏故宅爲禪堂垣軒厨扁畧脩而已予惟禪師無子湯以少年一朝分田割廬從事焚修告出本懷亦難矣諸上善人憐而菴之義舉也遠爲二尊人莊嚴報上又孝思也按府志菜市橋有古無碍菴里之耆氓告予以此地正菴之故址久堙忽興殆天意非人力而義以孝不虛孝以義不泯若交相成而不相悖乃沿古證今合而額之曰孝義無碍菴湯法諱祿錦暨禪師同師闕中南五臺性天和尙溯禪師出家逾四十

稔蓋行五十  
九而菴成

甘泉菴 在興賢坊相傳明時建

國朝康熙庚申重建奉東嘉忠靖王神像後燬于火重建

清波類志

宗慈菴 在東城俗名洪菴僧興弼建課誦精嚴時謂有

雲棲遺規

仁和縣志

香乳菴 在艮山門內壩子橋西里人沈學會建西溪僧

成明續築一亭以蔽風雨靈隱具德上人額曰香乳學會

卽以名菴

仁和縣志

慈順菴 在義同坊明萬歷間僧如光建菴奉母焚修因

名慈順菴卽祥符寺諸天閣舊址

仁和縣志

孝慈巷 在東里坊卽溪芷溪筠迎母歸養之地因額曰

孝慈

孝慈巷  
碑記

直指巷 在吳山下十八間樓內宋爲韓平原閱古堂明

爲黎氏秀花園後沈氏居此名石園

國朝康熙間僧淨符改爲巷內有雲湧泉

清波  
類志

廣嚴院 在七寶山唐清泰元年錢氏建舊額瑞隆宋治

平間收額院有雙竹甚奇景定初惟一重建

成化  
舊志

王應鳳重建廣嚴院記杭之七寶山有仁祠焉其初曰瑞隆後唐清泰二年所建也逮治平更號廣嚴熙寧間蘇文忠公遊而樂之爲賦雙竹湛師房又新開徑諸詩林間烟雨清坐忘憂固已形在江湖而身超祇鶩矣自六飛駐蹕折其地十之八爲內囊胥徒之居履基轍迹畧無可考其在淳熙有僧善資者復葺之發地得鐘焉有銘在樂則寺

故物也既燬于辛卯而俗以銅鐘名其寺或笑曰是亦鐵  
爐步之比耶一日過市見寺之主守惟一曰自吾師祖慶  
居是山謀斥而新之尚方長秋昔有賜惠順妃亦如之時  
太傅大丞相魯公專闕東淮布施加厚亦既建閣五楹以  
奉圓通功垂成而終惟一嗣之不勤誘掖欲成吾師之志  
倘亦喀然如雲則功廢矣余聞而歎曰慶與一師弟不繼  
群塵以鳩衆力巧于用狹興廢于閭之下爲殿像設位置  
咸與地稱羯磨之室法音之樓爰及庫藏庖湑器用悉脩  
蓋堅忍精進皆有過人之材吾徒之飽食安步者或愧焉  
遂書以遺之蘇軾昔雙竹湛師房詩二首我本西湖一  
釣舟意嫌高屋冷聽颺羨師此屋幾方丈一柱清香儘日  
留暮鼓朝鐘自擊撞閉門孤枕對殘缸白灰旋撥通紅火  
卧聽蕭蕭雨打窓

普照院 在艮山門內晉天福八年建舊名報國千佛院

宋大中祥符六年改賜今額

嘉靖仁  
和縣志

福祐院 在褚家塘周顯德元年吳越王建宋治平二年

改今額元末兵燬明洪武間重建今名皮場廟仁和縣志

石佛院 在伍公山下舊有石佛院吳越王錢氏建祥符

中改賜吳山智果院額嘉泰燬以其地為進奏院撥賜寶

積解及扁鵲堂建寺咸淳志

報恩院 在東西壁吳越王建後燬復建明隆慶間都御

史陳抑菴延僧竹亭主之武林梵志

覺華院 在義和坊皮市巷舊名玉陽菴宋崇寧元年建

久廢明正德間僧東明重建改今額嘉靖仁和縣志

普慧院 在菜市橋舊名安仁治平二年改今額淳熙七

年重建久廢嘉靖仁和縣志

報國院 在東里坊慶春門內宋紹興間建舊爲香林廨

院後久廢明天啟初僧仁慈等重建

仁和縣志

金波禪院 在金波橋宋淳熙初建明代併入慈光遂廢

舊志

慈濟院 在積善坊舊在西湖蓮花橋宏慈普濟禪師建

元末燬明洪武中僧行德重建今所

萬歷舊志

古長壽院 在東里坊俗名賜菴明崇正甲申僧曜如建

仁和縣志

顯真道院 在東里坊慶春門內宋建炎三年王慶捨地

建元季燬明洪武間重建正統間增葺

國朝雍正八年住持金三允重修

成化舊志

紫金院

在義和坊皮市巷東元至正間姚朴菴開山構

屋名紫瓊菴元末燬明成化中羽士馮本中募建易菴爲

觀後改今名

仁和縣志

得一道院

在安國坊元至正間建明洪武間歸併寶極

觀

嘉靖仁和縣志

宗陽宮

在新宮橋東

成化舊志

宋德壽宮後圃也淳熙中更

名重華咸淳四年以其半改築道宮奉先朝神像賜今額

樓臺殿宇宏壯甲于省會元延祐間羽士杜道堅修至正

燬明洪武卯月菴永樂周道淵宣德沈復珪宏治沈養浩



相繼重修

國朝康熙丙午不戒于火羽士徐尙麟與其徒和有鴻興復之

浙江通志宮有十景曰道德講堂得月樓老君臺登瀛橋太液

泉趙子昂十子碑靜觀堂老梅蕉堦芙蓉石宗陽宮志又有梅

石雙清碑係孫杖畫梅藍瑛畫石乾隆十六年

聖駕臨幸御製梅石碑詩是宮遂鼎新焉

南巡盛典

于是宗陽宮記宗陽宮在杭城中按郡志卽宋高宗之德壽宮也淳熙中更名重華咸淳間賜今額有元革命衆庶淪沒惟宗陽名不朽洪武初都紀月巷卽公初造大殿山門廊廡承樂丙申副都紀周公道淵建方丈宣德癸丑都紀清隱俞公偕羽士沈棲霞重構老君臺及得月樓以復舊規由是壯麗甲于郡國一時薦紳大夫及四方遊覽之士未有不縱日于此者歷歲既久日就傾圯時宗陽耆舊養浩法師沈公復純先嘗主席本宮後以老辭然身雖退

休心則未嘗不以興舉爲已任時御川監太監林公杞奉  
勛提督海道駐節于此雅重師之爲人力爲攸助發私帑  
若干緡師亦罄已橐橐募衆聚材鳩工復建大通明殿  
飛甍峻宇上摩霄漢中奉昊天上帝玉皇地祇及諸天聖  
像左建玉籙樓右建蔬簡樓後建講堂日福臨洞天退居  
曰石壇松合與凡山門兩廡庑之斯一椽一櫺皆師經  
畫料理由是傾耆起圯者整金碧交輝丹雘相映規模宏  
偉視昔有加始事于成化乙巳之秋訖工于宏治改元之  
冬請予爲記凡記者不過記其興廢始末耳若不推原其  
由則後人莫知今日修舉之難奚能永保于悠久耶夫自  
黃帝問道崆峒而道教之源始開尹喜受經函谷而其言  
始遍滿天下由漢抵今教蓋日盛事之者竭土木之費以  
爲樓宮瑤臺雲樓星閣表山延里駕空凌霧極壯麗以崇  
奉之此何哉蓋爲民生之所以衣衣食食強弱衆寡之不  
至于相凌者惟吾君父是賴而君父之所以運乾綱妙化  
機者又賴昊天上帝主宰于無聲無臭之表也故敬道所  
以敬天敬天所以敬君父吾之所以尊禮而崇奉之者有  
不能不若此焉非徒以教之清淨無爲而獨善其身也故  
大通明殿之建及凡百廢興正所以崇奉上帝而祝聖壽  
于億萬斯年美乎生生造化用極于無窮也雖然事之廢

興皆理之常欲舉廢以致興非得其時有其人不可茲以  
中貴林公切敬天愛君之心輕財樂施無少靳吝而人樂  
從事莫有沮遏之者是有可乘之時也以法師造道惟深  
事神惟謹而又能知君父爲重者專致力于其間事皆克  
濟始終無數是有可任之人也得其時有其人宜乎前人  
之開創者今克繼承之前日廢墜者今復興舉之垂裕將  
來傳之永久上祝一人之遐壽下爲百姓之福田當是事  
者其中大矣其功茂哉是爲記 楊載老君臺玩月分韻  
詩老君臺上涼如水坐看冰輪轉二更大地山河微有影  
九天風露寂無聲蛟龍並出承金榜鸞鳳雙飛載玉笙不  
信弱流三萬里此身今夕到蓬瀛 柯潛宗陽宮詩咫尺  
仙凡隔虛明小洞天風輕飛脉望露冷舞胎仙花氣濃薰  
酒琴聲細溜泉道人清似水留我坐談元

開元宮 舊在泰和坊內係宋寧宗潛邸 咸淳 嘉泰元年

詔改開元宮在秘書省左爲中書省元至元二十八年省

與宮並燬因兼宮地作省時董得時主宮事購宋理宗端

孝公主第為宮在清湖橋西後復燬住持王壽衍改作之

浙江通志

國朝順治七年入駐防營內

仁和縣志

揭傒斯碑記杭州開元宮按傳志在宋秘書省之左國朝至元十三年即秘書署為行中書省二十八年省與宮俱燬于火宮遷今廣濟庫西宋公主之舊第也宮之始末見諸唐宋石刻者亦皆燬而無存今真人王公壽衍以皇慶二年秋被召入見乃謁文于虞公集歸勒金石使後有考焉故金章之書持詳其事越九年為至治改元宮之隣有火宮與碑又俱焚宮之道士與杭民之老者又重新之云云虞集開元宮碑記杭故有開元宮唐開元中刺史陸彥恭用詔書所作乾符戊戌燬于火後五十九年吳越文穆王復其舊其臣林鼎記之宋景德丁未勅改景德觀後十六年有以私財修之者進士陳鉞記之然俱不復存嘉泰甲子寧宗以其潘邸為今宮復賜名開元宮在秘書省之左紹定辛卯復燬于火又重作之廣以大宗正司故基賜田七十九頃度道士十四人以居至元十三年行中書

省杭州卽故秘書省爲署二十八年火省及宮俱燬省故  
監庫不足稱大藩之容觀取開元地拓之出金助開元主  
者董君得時及今真人購故宋公主第以爲宮公主理宗  
女有司護作惟恐故規制工伎甲于當時至是易其檐桷  
門陛勝署因加表飾設額位被服以象其天神帝仙人之  
屬隆隆然湛湛然真神宮殊庭矣黃清開元宮詩誰使  
藏舟一夕移紅樓翠幕未全非曾聞帝子乘鸞去疑有仙  
人化鶴歸烟暎月明瑤草歇石壇露冷碧桃稀赤闌橋畔  
多時立開看  
楊花作雪飛

龍翔宮 在南北壁里舊在後市街宋理宗潛邸也淳祐

四年賜額龍翔別作南鎮館于宮西以居道流元至元壬

午燬羽士胡元洪改建今所後張士誠改爲軍器局明洪

武初羽士毛繼祖請復之今在駐防城內

仁和縣志

楊維禎龍翔詞二馬渡龍東觀邸闕森開張穆將祀子感  
生江一馬皇疾以嫖怒靈威昂十一景緯生寒芒天人南

下南斗旁朝與龍飛暮龍翔翠蓬三度黃塵揚靈官突立  
天中央湖眉海眼東西望地柱不傾天乳長黃鬚仙伯古  
冠裳龍腦寶藏聲琅琅上請淨掃赤尾舞六龍  
在天下昌山君海孤紛來王南極上壽日重光

靈順宮

在板兒巷內卽舊寶山院

錢塘縣志

紫霄宮

在雲居寺側舊爲瑞凝道院中奉純陽祖師以

爲禮斗之所

國朝乾隆辛卯仁和令高模翔建殿宇遂改今名

紫霄宮碑記

杭州府志卷二十八終